

Partido ABO: Parti 1: Educacion

Taboe: Locual tur hende sa, pero tin miedo di papia di dje

Manera sa pasa na tur parti mundo unda hopi tema ta wordo discuti den pueblo, pero no na nivel nacional, tambe ta pasa na Aruba. Esakinan ta e temanan taboe: tur hende sa di nan, pero ningun hende kier mishi cu nan pa miedo. E pregunta ta dicon? E no ta miho pa papia y busca solucion pa nan na luga di haci cu nan no ta existi? Cu un actitud asina, ken nos ta gaña of ki daño structural nos ta haci na e sociedad?

Tin hopi di e temanan aki, pero awe nos lo kier limita nos mes na e taboenan riba Educacion. E motibo pa esaki ta cu pa partido ABO, educacion ta e vehiculo cu mester salvaguardia Aruba su economia, su desaroyo y su dignidad y na opinion di partido ABO e no ta haya e atencion ni e fondonan necesario pa logra e metanan aki. Nunca antes den Aruba su historia, tabatin asina tanto docente como miembro di parlamento. Riba papel, esaki por wordo considera manera algo bon pa educacion. Pero den practica, educacion a wordo reduci pa nan na cuanto scol a haya un color di

verf nobo pa asina muestra bunita. Bisa algo asina y considera esey manera un inversion grandi den educacion, ta bisa hopi. Si un simpel planificacion y ehecucion responsabel lo a wordo haci, lo no tabatin asina tanto scol no bon manteni of un scarsedad di scol. Pero bon, parce cu e ta mas importante pa defende nan posicion personal na luga di esun di e mucha. Dicon no por wordo discuti riba e calidad di educacion? Akinan nos no ta referi na cuanto placa a wordo presupuesta. Pasobra den nos concepto esaki ta tiki y e alocacion di dje ta robes. Pero esey nos lo trata den un otro comunicado. Awe nos kier cuminsa papia riba e taboe di no papia riba e nivel y e calidad di nos sistema educacional. Algun di e taboe:

1. Si e nivel di educacion ta compara internacional, cua sistema ta wordo uza y cuanto biaha esaki ta wordo haci y dor di ken? Nos no tin cu lubida cu cada aña nos ta manda hopi alumno pa exterior. Pues e comparacion ta necesario pa sa kico mester wordo cambia of mehora structural pa e alumno no wordo perhudica. Nos tur

ta corda cu te cu algun aña pasa e universidad di Aruba a wordo acredita. Tur e tempo prome e diplomanan tabata wordo solamente reconoci y acepta na Aruba. Na tur otro caminda, extra vaknan mester a wordo haci pa cumpli cu e exigencianan mundial; 2. Pa hopi aña e testnan cu tabata wordo haci na scolnan primario, unda tabata wordo midi e nivel di matematica y idioma di e alumnonan, no ta wordo haci mas of e resultadonan di e testnan no ta wordo publica mas. Dicon? 3. Dicon no tin un planificacion cuanto cuponan y ramonan di trabou cu Aruba mester cada aña, manera tabata wordo haci antes. Pa añanan largo tin un 'free for all' sin cu ta tene cuenta di locual ta necesario pa e economia y si lo tin suficiente trabou. Un ehempel ta cu awendia tin un cantidad di alumno cu ta studia pa bira hurista of abogado, mientras cu e mercado no ta asina grandi pa duna tur

di nan trabou. Otro ehempel, tin un scarsedad di tecnico, pero nada ta wordo haci pa stimula pa mas alumno scoge pa studia pa esaki. Y asina tin mas ehempel. Consecuencia ta cu tin un desbalansa total den mercado laboral; 4. E ta facil pa culpa e docente si un alumno no a bay over, pero ken ta evalua e docente y su trabou pa garantiza e calidad? Of ken ta evalua independiente e calidad di e sistema educacional? 5. Ken ta evalua e calidad y e tipo di e material cu ta wordo uza pa duna les na e alumno? Con actualisa esaki ta y si ta esaki ta locual e mercado ta pidi?

Ora nos cuminsa papia riba e temanan aki publico y busca solucionnan structural pa nan, nos lo ta riba e bon caminda. Esunnan cu kier pretende cu nos sistema educacional ta funcionando bon, ta ganando nan mes y nan ta haciendo un daño cu

no por wordo repara hamas y nunca na nos muchanan. E no ta straño cu hopi di nos muchanan no por pensa pa nan mes si e sistema no ta stimula of permiti nan haci esaki. Pues si nos tin miedo di represaya pa no papia riba hopi temanan publico, ban haci un excepcion y cuminsa papia riba esun di educacion. E ta nos deber na nos muchanan!

ABO ta ARUBA y ARUBA ta ABO bel na nos muchanan. E no ta straño cu hopi di nos muchanan no por pensa pa nan mes si e sistema no ta stimula of permiti nan haci esaki. Pues si nos tin miedo di represaya pa no papia riba hopi temanan publico, ban haci un excepcion y cuminsa papia riba esun di educacion. E ta nos deber na nos muchanan! ABO ta ARUBA y ARUBA ta ABO! □